

# 浦江縣志


漢書門	九	一	七	六	八
類	八	一	七	六	八
號	八	一	七	六	八
函	八	一	七	六	八
架	八	一	七	六	八
冊	八	一	七	六	八

內閣文庫	九	一	七	六
漢書	八	一	七	六
類	八	一	七	六
號	八	一	七	六
冊	八	一	七	六
函	八	一	七	六

地理  
十号

內閣文庫	漢	9176
番號	漢	9176
冊數	12	( 1 )
函號	292	80

292-80





乾隆己亥重鑄

呈 上憲鑒定

# 浦江縣志

本縣藏板

序

淺草文庫



乾隆癸巳予謁選得浦陽  
 令將入境吏人以邑志呈  
 字多漫漶不可識溯其修  
 之歲百餘年矣喟然曰自  
 非官率於事民絀於力何

293-80



以至此然天下未嘗有無  
事之官勉而圖之母患不  
克勝所不知者民之力也  
越明年春集紳士議重修  
之賴邑中急公好義數君  
子為之倡其餘各踴躍相  
欣助延請宏儒碩士矢公  
矢慎悉心搜討蓋自  
上臺報可設局幾三載而始  
竣稿於丙申之杪冬補前  
續後訂誤拾遺誠不可以  
旦暮成也夫浦邑受地福



隘而素號小鄒魯者地以  
人重耳自有唐建縣代產  
儒人極盛於宗元開初之  
間而由有明中葉以至於  
今雖其餘風遺俗猶有可  
觀而人材則不逮於古邑  
人其勉乎哉夫以浦之疆  
園猶是物產猶是宮室器  
皿衣服加麗於前而文章  
道德樹勲立節之士嗣音  
者無幾或盛衰循環之因  
有運數歟扶其衰以追其



盛將必有豪傑之流並起  
而振興之何者仙華寶掌  
鍾靈鬱而復發自然之符  
必至之理也往者壬午以  
後十餘年間士不登賢書  
而甲午得同榜三人為素  
所未有意者氣運轉移機  
兆於此循而上之人材蔚  
起未可量乎願吾閩族將  
大視其家之規範邑將昌  
覲其地之風俗然則浦之  
當力培元氣者父兄以積



善為先子弟以讀書為務  
兩言勗之而已邑人其勉  
乎哉鼎銘學淺能寡欣逢  
聖天子仁道漸摩義風激勸  
各憲承流宣化惟日孜孜而  
自惟備員四載一俗吏而

已邑無良有司以表率黎  
氓且慙且惧而區々期望  
之心則謂尔鄉先生尚有  
典刑庶幾以似以續而鄒  
魯芳徽復振於南江東嶺  
間後君子載在簡編必更



有光於今日者矣是為序


寄

乾隆四十一年歲次丙申

仲冬月中澣

賜進士出身文林郎知浦江縣

事申江薛鼎銘撰



重修浦江縣志小引

浦志之修前令彭公時已有成議會以城工費鉅不果邑人鑒於前轍此次稍逡巡賴纓泉許公知予事在必行力贊始就許推博雅君子沿舊更新多所斟酌志分十門公舉宿學士五人分輯之地輿輯於可樵張君建置輯於興悌朱君秩官選舉輯於德謨楊君食貨輯於友沈趙君藝文雜志輯於松齡陳君而人物一志則或考古得實或據呈訪確予親為筆之纂既就先賢兩學師計公嚴公而總其成於院長胡公又商質於武林槐堂汪先生加考訂潤色焉蓋是志之詳且慎而敘其畧於簡端者如此



鼎銘識

*[Faint vertical text, likely bleed-through or a separate column of text, mostly illegible due to fading.]*

浦江縣志

修志職名

掌修

浦江縣知縣 癸未科進士 薛鼎銘

纂修

原任湖北黃岡縣知縣 浦陽書院掌教 辛未科進士 胡廷槐

召試 博學鴻詞 錢塘縣貢生 汪星沆

同修

浦江縣教諭 癸酉科舉人 計南棠

浦江縣訓導 前山東齊東縣知縣 丙辰科舉人 嚴炳元



倡修總理

原任陝西隴州知州癸丑科進士朱興燕

例同都授 司倪兆熊

候選 目戴聖鰲

貢 生王志楓

貢 生潘玉文

分輯 生張可燧

歲 貢 生陳松齡

拔 貢 生朱興悌

金 華 府 學 廩 生朱興悌

浦 江 縣 學 廩 生趙友洸

浦 江 縣 學 增 生楊德謨

分校 縣 知 縣王宇清

原 任 山 西 靈 石 縣 知 縣戴如京

丙 子 科 舉 人 候 選 知 縣戴如京

甲 午 科 舉 人 楊德詠

甲 午 科 舉 人張用璐

甲 午 科 舉 人駱秀升

丁 酉 科 舉 人張時和

山 東 淄 川 縣 縣 丞張守家



揀發 四川鹽 大使朱含輝

副 貢 生趙韓

拔 貢 生胡龍見

歲 貢 生鄭爾梧

州 貢 生張守滂

浦 江 縣 學 廩 同張守照

浦 江 縣 學 廩 生黃揆叙

浦 江 縣 學 增 生張啓瀟

浦 江 縣 學 增 生鄭冲

金 華 府 學 生 員傅達

浦 江 縣 學 增 生洪鶴元

監 生朱之璉

繪圖

金 華 府 學 增 生王守畴

繕錄

浦 江 縣 學 廩 生唐志言

浦 江 縣 學 廩 生張大烈

浦 江 縣 學 生 員朱望雲

浦 江 縣 學 增 生張協忠

浦 江 縣 學 生 員張遂翔



浦江縣學生 員張時含

浦江縣學生 員鄭應冲

浦江縣學生 員倪鳳翥

金華府學生 員陳柏齡

金華府學生 員王舟

浦江縣學生 員張履泰

儒 童朱屏翰

儒 童張可佩

儒 童楊超林

儒 童潘公選

儒 童樓亮熊

儒 童項國麟

儒 童倪鳶翥

儒 童張毓麒

儒 童洪繼仁

儒 童陳挺

儒 童趙友靖

校刊

丙子科舉 人柳若虎

原任山東高密縣典史戴聿修



州 同倪占熊

歲 貢 舉 生張邦偉

歲 貢 生黃倬

貢 生黃以枋

貢 生傅振元

貢 生洪仲大

貢 生王聖瑞

貢 生石應超

浦 江 縣 廩 生戴殿泗

浦 江 縣 學 生 員周能玠

浦 江 縣 學 生 員傅慶賚

浦 江 縣 學 生 員鄭遵璐

浦 江 縣 學 增 生黃汝聽

浦 江 縣 學 生 員胡鳳超

金 華 府 學 生 員趙友章

監 生吳加祉

監 生朱之珪

監 生張化龍

監 生黃開道

監 生潘開運

清江縣志

職名

五



督刊

原任浦江江縣典史張應鰲

原任浦江江縣典史李永新

署浦江江縣典史胡承煜

浦江江縣典史楊可震

浦江江縣典史侍臣

浦江縣志

凡例

一舊志修於康熙癸丑前令毛侯時值奉

旨纂修浙江通志趨付剗刷倉猝告成多襲明代原文非

特體制未符其中尚多舛錯今冗者刪之缺者補之

畧者詳之訛者正之非前菲薄前人用昭詳慎之意

云爾

一修志發凡起例務折衷於歷代史書

國朝一統志各郡縣志要以意稱其物文逮其意為主條

目雖多括之以十綱領曰輿地曰建置曰官司曰選



舉曰食貨曰郵政曰人物曰列女曰藝文曰雜志各從其類無泛無遺

一浦地界連八邑其山川古蹟人物藝文必在境內者方爲采入若境屬毗連實非吾土不敢濫收以取牽涉傳會之譏

一疆域中山川爲大邑之川浦陽爲大不特三江諸說紛紜而且曹娥浦陽是二是一江水入海古今變遷卒無定論謹就各志異同與水經注諸書互相參訂指畫源流不敢翻異亦不敢附和也至溪流相錯亦須枝幹分明故勘格爲之使閱者瞭然

一祀典自

文武廟土穀水火城隍諸神及先賢忠節各祠斯其重者他若五通六臂諸淫祀概從毀削以崇祀典而正人心至有廟祀相仍素爲俗所信奉而有姓名功烈可考者則亦詳而不畧云

一沿革秩官代有更易若渾淪叙列未免眉目不清今悉做舊史立表庶累朝同異某代某名瞭如指掌一風俗爲地方民情所係宜詳悉以備輶軒之采若僅舉華樸淳漓大概未免太畧今特條分縷析備細指陳至初涖茲土方音未諳吏胥緣以爲奸其有關於



利弊者匪細故不嫌猥瑣而備書之

一防禦之責專於分闈地有廣狹職有大小而關津設  
守防範則同舊志兵防僅有教場民壯二項其營制  
汛地兵事概缺未免簡畧今皆查明增入以見慎固  
封守之意

一縣志原以志一邑之規畫其有率土其遵者如舊志  
聖節開讀救護鞭春新官到任吏額刑法等條載在會  
典通行不必專係一邑故不錄

一郵政爲

皇恩所推暨倉儲盈縮關係民命而蠲賑之頻加粟帛之

下逮院堂之分設無一非加惠元元至意舊志附入  
規制似覺輕重失體今以郵政提綱分門類叙以昭  
鄭重

本朝百餘年來薄賦輕徭德澤深厚其賦役諸法允爲萬  
世良模若勝國舊章原可無容載入舊志夾雜失次  
不特難以檢閱亦非遵時之道今第將奉行者登載  
至逐年奉文裁減諸條順年分記以表

聖朝輕重得宜之制

一物產係地利所在日用所需最爲切要其間如土性



之不一籽種之不齊時有先後獲有多寡一一詳註  
不僅臚列名目若昔有今無者亦並核實紀明不敢  
誇多以紊物宜

一封蔭議敘用紀

皇恩難容僞冒今以誥勅執照爲憑如果歲遠年湮子孫  
失守則考之選舉志若志內無名而但據家譜呈請  
者真贋難分寧嚴無濫

一科第仕宦其在癸丑修志後者並皆詳列至歷朝官  
爵舊志中或有遺漏者亦俱查明省志府志及各史  
傳所載增入若只憑各姓家乘恐遙遙華胄荒遠難

稽極不采錄

一人物列傳舊志將宋鄭張諸人各記分載殊失體例  
今文從其舊類別爲十其有舊傳未詳及遺漏失載  
者稽諸史傳節采增入庶前人遺行有美必彰至墓  
誌家傳雖佳不錄蓋主於信而有徵也

一名臣覘立朝之丰采儒行關理學之淵源二者名不  
易副最難其人至政事文苑雖功業有大小學問有  
淺深要皆風雅之宗經綸之選覽者自能差等焉

一凡孝子節婦有曾邀

旌典或舊志錄載而潛德無從細考不能立傳者謹列其



名俾無湮沒

一婦女貞節其已蒙

旌表者尚已間有窮鄉僻壤門戶凋零不無遺佚茲據本家具呈族鄰出結加以考信筆之於書至孀非三十以內守非五十以外者概不收錄遵

令甲也

一凡人立身不易或晚蓋前愆或喪節末路故須蓋棺後方可論定生不立傳理宜然也惟婦人節孝不拘

此論

一藝文總以闢風化裨政治者爲最或筆墨未見過人而文以人重事以人傳均爲採錄前志未備者從各集中選補至名流詞翰騷客詠歌皆足以潤色山川描寫景物亦登之以備披覽庶幾華實兼收之意

一浦邑自宋元迄今代有聞人著作林立其中行世者固多而名存書佚者亦復不少不爲紀錄將并其名而軼之今特標經籍一門雖不能補亡庶斯名之不朽也

一寺觀前志所載殊屬寥寥其於前明修建猶多未備今自漢魏以來皆查明增入現在或存或廢並爲注

明



一 浦邑溪流環繞占利涉者全賴橋梁而或木或石或  
 大或小不備載之無以為增修之地故寧詳毋畧云  
 一 凡省志府志所有而縣志未載者不拘遠近並為增  
 補註據某志某書錄入俾知作者慎重之意並不敢  
 妄有增益焉

浦江縣志

卷首

序文

職名

凡例

總目

輿圖

卷之一

輿地志

星野

疆域

形勝

山川總圖 都鄙總圖 縣城圖 縣治圖  
 學宮圖 浦陽書院圖 十景圖



卷之二

輿地志

卷之三

都鄙

風俗  
附 方言

卷之四

建置志

沿革

城池

公署

學校

廟制 禮樂

書籍 學政 鄉飲  
鄉約附 學田附

卷之五

建置志

書院

鄉學附 社學附 射圃附  
鄉會試歲科試童試義產附

卷之六

建置志

秩祀

聖祭 壇壝  
祠廟

卷之七

建置志

兵防

營制 汛地  
民壯 兵事

坊表

水利

橋梁

卷之八

官司志

官制

秩官表

宦蹟



卷之八

選舉志

薦辟

科第

武科第

正貢

附例貢

封蔭

議敘

仕宦

附職銜

卷之九

食貨志

賦役

鹽法

物產

卷之十

郵政志

倉儲

蠲賦

賑濟

優老

院堂

附義產

卷之十一

人物志

名臣

儒學

忠節

孝友

卷之十二

人物志

政事

文苑

義行

隱逸

方技

寓賢

卷之十三

列女志



貞烈志

節孝

卷之十四

藝文志

賦

賦

序

卷之十五

藝文志

記

記

卷之十六

藝文志

記

卷之十七

藝文志

雜著

卷之十八

藝文志

詩

卷之十九

藝文志

詩

卷之二十

經籍



雜志

古蹟

塋墓

寺觀

仙釋

祥異

拾遺

志源

卷之十六

藝文志

卷之十八

藝文志

藝文志

藝文志

藝文志

浦江縣志卷首

圖說

禹得括地象圖以平水土土訓掌道地圖劉中壘奏  
書曰俾來以圖天文難曉臣雖圖上須口說然後可  
知此圖與圖說所自昉歟蓋列眉指掌非圖不為功  
而貫通之者在說爰分繪於左而說因之



浦江縣山川總圖

浦江縣志卷之六



浦江縣志卷之六

浦江縣志卷之六



山川圖說

縣在郡城東北自唐天寶十三載升為浦陽縣梁貞明三年始改今名南界金華縣而西與嚴州之建德北與杭州之富陽東與紹興之諸暨並為接壤東南界義烏西南則蘭溪嚴之建德及桐廬為西北東北界延袤二百里有奇縣治當邑之西北面周公負仙華東嶺伏蟾左右拱護水則浦陽江環其前縈紆而入諸暨北山諸水匯為一江入富春西南諸水匯入蘭溪登高以望環邑皆山而衆流襟帶包絡之固勝地也首列此圖非以誇佳勝愜登臨蓋周遭一覽而地之衝僻事之繁省形之夷險土之肥磽無不由是則夫相土地之饒通水泉之利教導何術保障何方地勢在而政教因之矣至若靈秀所鍾人材輩出回江山之孕育也而成諸教治者豈其微哉



浦江縣都鄙總圖






都鄙圖說

區一縣為七鄉自置縣時始鄉以統都都以統圖歷朝雖互有增減而其名至今不改也城以內為東西南北隅外其鄉曰德政名尊仁里曰通化名湖塘里曰嘉興名仙峯里曰靈泉名登高里曰感德名仁義里曰政內名新田里曰興賢名登高里是為七鄉而都圖屬焉隸德政鄉者一都至五都也隸通化者六都至十二都也隸嘉興者十三都至十六都也十七至十九隸靈泉二十至二十三隸感德政內則二十四至二十七隸焉興賢則二十八至三十隸焉自內及外由隅而都圖則繫之其舖則在通化者曰五路嶺曰橫溪曰白棗曰沙溪曰太陽嶺在興賢曰楊塘在感德曰白馬曰鄭街在靈泉曰廿里此通縣都鄙之大凡也地著於斯主其故常不見外事民生其間可謂和樂者矣



浦江縣城圖



浦江縣志

卷之六




縣城圖說

唐置縣始築城爾後邑令七經修築雖復仍其故址而剏建為多規撫日益雄峙歷今又百數十年間其高厚堅則瑕矣歲戊子彭侯繕葺內外完密僻倪整齊城堦門樓翼然在望俾哉雖十朝百步不足多也周五里一百二十步高一丈三尺厚如之正門四偏門五圍徑之數諸門之名仍嘉靖中許侯舊也其公署祠廟縣治中之而大門內之東偏則衙署治南數十步為武廟東南里所為文廟儒學附焉宋公祠與浦陽書院並在學宮南之左城隍廟又在西南駐防營近東門育嬰養濟皆在南門內此其大較然也郭外為南北二壇東為東山亭東南為龍峯菴為古塔水門外為水月菴北二里為月泉書院若夫東溪西澗夾流而南東嶺西山擁立而向則尤其秀甲他鄉者



浦江縣治圖

東馬路



西馬路

路馬西

路馬東




縣治圖說

縣治近城北規模次第可悉數之前有忠清坊正當  
縣治進此則照牆一道牆以內東西二亭列附大門  
門上為譙樓高數仞再則儀門內立戒石亭而公堂  
儼在上矣以報朝廷以親士衆勝其任而愉快望基  
重哉忠愛之顏厥義深遠矣更進而川堂而後堂至  
一層樓盡居高明遠眺望亦公餘心寫之區也堂以  
內有東園園有藕花亭亭後祠土地門後處及庖廚  
溜浴亦皆在焉其退思堂醉雪亭與賓僚館舍則列  
西園也堂右為倉又其右岸獄左則庫房旁有古柏  
廟堂之前吏舍翼之倉庾連櫪相向而左於儀門者  
黃將軍祠左於大門者典史廨也門外之西為社倉  
坊側申明亭則又東矣治之前後左右規制如此居  
其位者履其事或戴或鳴以閒以靜四境亦誰人不  
屬耳目也

三層樓最上有  
扁額曰一層樓



學宮圖



市工系志

卷之四

浙江

卷之四



學宮圖說

論語曰不得其門而入不見宗廟之美百官之富得其門者或寡矣

至聖師表萬世廟號大成尊之至也緣此而有四配十哲又有兩廡其人不同而所學則同兼尊之亦以尊


至聖也學宮之制博文齋藏書室與東廡次列於左而齋宿廳連之西廡一廂則為約禮齋祭器庫及省姓之所此皆拱翼於旁者由是而南為戟門門之前泮水過此則櫺星門矣門以外蛟龍之坊對列而起龍池鼓盞於其間斯尤壯觀哉至若廟後之堂曰明倫堂

後之閣曰尊經閣之左崇聖祠又左土地祠訓導之署連延於是而鄉賢名宦與忠義三祠則鱗次廟右其祠後教諭署也建設規模於

聖宮無不環而向矣所期遊儒學之門進奎映之樓由義路而入禮門仰瞻旁瞻志為聖人之徒不獨見下馬之碑而肅然起敬斯可也



浦陽書院圖



學塘

浦陽系志

卷之六

七



浦陽書院圖說

書院在

文廟東南與宋祠相屬本名文昌邑黎侯所創建也後名  
仙華楊侯修葺而易之也何侯舉而新之乃以浦陽  
額前臨大方池池左鐘樓上切雲霄恰當書院智者  
樂之欲覺而聞之一一養心之助矣入院則文昌之  
閣前極高明經義之堂後精講畫而諸生之舍又綽  
綽有餘將見日進日新人文蔚起小大之成胥於是  
焉在鈞陶其曷可量也

十詠圖總說

邑之有十詠久矣鄉先達足音所及耳謀目遇忽焉  
心率屬諸翰林子墨以傳之人攬其文時復領卧  
遊之趣此地烟霞泉石難可勝窮緣舊題取數止此  
輒用圖形于影而為之說焉興發而一披會心處故  
不遠耳



仙華巖雪






仙華巖雪圍記

青山一夜白屋千家以淨聰明無此最勝者又况復  
峰劍峽間即異草靈禽未知此時又在何處其至矣  
耶將雲漢耶目眩者久之益歎雖復人寰別有天地  
已仙華巖在縣北十里  
翠掌峰空雪景尤奇



白石湫雲



白石湫雲

白石湫雲

白石湫雲



白石湫雲圖說

湫在白石之腰禱無不應蓋蛟龍窟也命曰靈澤每  
春秋蚤暮鴻濛瀾漫彷彿有天矯連螭出没隱見於  
其中者深山大澤是生神物信哉為龍之乘為雲之  
從其何自辨之

白石山在縣  
東南十里








龍峰古塔圖說

浮圖火且百年而突兀於龍峰如故玲瓏峭拔雖數  
 十里外莫不見之其下龍德寺右抱東溪俯仰其間  
 超超徑路絕風雲通矣

龍峰山在縣東  
 里許上有古塔



寶掌冷泉



南江系志

卷首圖

三



寶掌冷泉圖說

地有山山出泉無處無之此則唐千歲禪師得道處也泉湧自飛來甘冽無比則未知煎茶水記品居第

幾耳一曰寶掌法師名寶掌山在縣北十里





西溪





月泉春誦圖說

月印川而皆圓此見道語情動而聲形軒豁呈露之  
 至不覺知有我也况春和乎若問泉與月之從違天  
 與其人與難言之矣


月泉在縣北二里其泉隨月  
 盈虧上有精舍祠文公成公



潮溪夜漁

浙江興元

卷一



浙江興元

卷一

三






潮溪夜漁圖說

水雲入夢鷗鷺隨家蓼花楓葉之灘郭索王餘之窟  
 其或波心點月羣鳥合於魚麗有時澤畔篝松見鱗  
 浮而雀躍一聲靄迺兩岸烟霞問江上其云誰宛天  
 涯之故我

潮溪在縣東二  
 十五里產魚蟹







南江夕照圖說

山原隴畝多在江陰薄暮則霞綺雲羅邨疎野曠趨  
林之翼閃爍於殘陽舟子樵夫煙徑中時來野調一  
時極目而萬象俱收非繪事所能狀也澄潭之網以  
江上言耳

在南門外南江橋西望  
原麓反照如畫圖中







東嶺秋陰圖說

離城不過數十武徑曲而地高無塵俗氣當秋日連  
陰但見古木蕭森群山迴合花含露泣雁入雲寒山  
林而在城市一奇觀也

嶺在縣東



深哀江源



南二系三

水

三



深裏江源圖說

沿波討源文猶如此而水可知浦陽江之入海渾渾  
 沌沌殊難蠡測溯其始纔濫觴耳峭壁危岬之下匯  
 為一泓其寒逼人其清若鏡自此眾流迸入紆回數  
 十里而帶城南厥勢已沛然矣記曰君子志於本無  
 所不通

深裏山在縣西三十里浦陽江之源



昭靈仙跡



浦江縣志

卷首圖

三

浦江縣志

卷首

三



昭靈仙跡圖說

廟在仙華之麓其仙女云出軒轅亦云烈山氏不可考但稱少女峰然祈禱甚靈以故尸祝而俎豆之至今如一日紀勝則前人備矣

浦江縣志卷之一

輿地志

星野 歲占附 疆域 舖遞附 形勝 山川 都鄙 城市附  
風俗 方言附

廣大悉備者輿地之謂乎封疆以界之山川以環之城池以固之都邑以區之民居以滿之而必表以公署長以官司為之觀天察地興文教備武功奠室居美風俗然後土於斯者莫不事事見異物不遷上以致尊親下以敦孝弟人才蔚起而萬彙順成用副聖天子養士安民之至意古稱比屋可封不其然乎作



地志

輿地一

星野

歲古附

善言天者必有驗於人自天官書著而歷代史氏遞相傳述擇加精詳加詳美顯穹懸象徵表為國司天人之契者謹舉吳越土屬星紀序十二次首而婺州於天文為婺女浦江其屬邑分野同也觀象而會其微天道何遠哉惠星野

書堯典正義曲禮說軍陳象天之行前朱雀後元武左青

龍右白虎四方皆有七宿各成一形東方成龍形西方

成虎形皆南首而北尾南方成鳥形北方成龜形皆西

首而東尾

周禮春官保章氏以星土辨九州之地所封封域皆有分

星以觀妖祥

鄭注十二次之分星紀吳越也元枵齊也

鶉首秦也鶉火周也鶉尾楚也壽星鄭也大梁趙也實沈晉也

木燕也賈疏吳越在南齊魯在東今歲星或北或西

不依國地所在者此古之受封之日歲星所在之辰國

屬焉故也吳越二國同次者亦謂同年度受封故同次

也又云昭公三十二年服法歲星在

星紀吳越之分野又云吳越同次

春官馮相氏

賈疏指星體而言謂之星日月會於其星即名宿亦名辰亦名次亦名房

左傳昭公三十二年夏吳伐越史墨曰不及四十年越其

有吳乎越得歲而吳伐之必受其凶

杜注此年歲在星紀吳越之分也歲



星所在其國有福〔孔疏〕天文分野  
斗主吳牽牛主越此年歲在牽牛

越絕書越故治今大越山陰南斗也吳故治西江都牛須女也

吳越春秋吳與越同音共律上合星宿下共一理

張揖廣雅斗牽牛須女吳又云須女謂之婺女按廣雅即博雅

春秋元命苞牽牛流為揚州分為越國

春秋文耀鉤布度定紀分州繫象蒙山以東至南江會稽

震澤徐揚之州屬權星

論語摘輔象堯豫屬上台荆揚屬下級下級謂上台下星

蔡邕月令章句自斗六度至須女二度謂之星紀之次大

雪冬至居之越之分野

陶隱居曰越星在婺女南

史記天官書南斗為廟其北建星建星者旗也牽牛為犧

牲其北河鼓河鼓大星上將左右左右將婺女其北織

女織女天女孫也〔注〕索隱曰須女謂之務女或作婺女

女皆為星紀於辰在丑越之分野而斗牛為吳之分野

天官書斗江湖牽牛婺女揚州

天官書昔之傳天數者高辛之前重黎於唐虞羲和有夏

昆吾殷商巫咸周室史佚萇宏於宋子卑鄭則禪竈在

齊甘公名德楚唐昧趙尹泉魏石申夫後漢書注夫或云父按此則石姓申



夫名今各書所引又云漢之爲天數者星則唐都氣則皆無夫字誤也

王朔占歲則魏鮮

漢書天文志戊吳越

漢書天文志孝景元年占婺女粵也又爲齊二年占斗吳也又爲粵 孝武元鼎中占南斗粵分也

漢書五行志左氏劉歆以爲正月燕越之分野隱公三年二月

齊越分僖公十五年又曰斗燕地

漢書地理志吳地斗分野也今之會稽九江丹陽豫章廬

江廣陵六安臨淮郡盡吳分也粵地牽牛婺女之分野也今之蒼梧鬱林合浦交阯九真南海日南皆粵分也

漢書律歷志斗綱之端連貫營室織女之紀指牽牛之初

以紀日月故謂之星紀

淮南子天文訓天有九野注斗吳之分野牽牛一名星紀越分野

後漢書天文志注星經曰熒惑主霍山揚州荊州交州又曰辰星主斗牛女虛危室壁又曰玉衡第

六星主揚州常以乙巳日候之乙巳爲豫章辛巳爲丹陽己巳爲廬江丁巳爲吳郡會稽癸巳爲九江凡六郡

後漢書天文志孝明永平九年占牽牛主吳越 孝和元

興元年占須女燕地 孝安永初二年占斗爲吳四年

占斗爲揚州

後漢書郡國志注帝王世紀曰黃帝受命乃推分星次以定律度自斗十度至婺女七度一名須女

日星紀之次於辰在丑謂之赤奮若於律爲黃鐘斗建在子今吳越分野



後漢書律歷志

注自斗六度至須女二度謂之星紀之次越之分野

三國吳志

注會稽典錄虞翻曰會稽上應牽牛之宿下當少陽之位

左思吳都賦上當星紀拓土畫疆包括於越婆女寄其曜

晉天文志北斗七星在太微北石氏云一主秦二主楚三

主梁四主吳五主燕六主趙七主齊

隋書作五趙六燕

晉天文志南斗六星天廟也主褒賢進士稟授爵祿又主

兵 牽牛六星天之關梁也主犧牲事上一星主道路

次二星主關梁次三星主南越 須女四星天少府也

須賤妾之稱婦職之卑者也主布帛裁製嫁娶

晉天文志自尾十度至南斗十一度為析木於辰在寅燕

之分野屬幽州 自南斗十二度至須女七度為星紀

於辰在丑吳越之分野屬揚州 自須女八度至危十

五度為元枵於辰在子齊之分野屬青州

晉天文志范蠡鬼谷先生張良京房張衡諸葛亮譙周陳

卓竝云斗牽牛須女吳越揚州 九江入斗一度廬江

入斗六度豫章入斗十度丹陽入斗十六度 會稽入

斗一度臨淮入斗四度廣陵入斗八度 泗水入女一

度六安入女六度

晉天文志歲星曰東方春木於人五常仁也五事貌也主

齊吳煒惑曰南方夏火禮也視也主楚吳越以南



晉天文志明帝太寧三年占斗吳分 武帝太康元年占

丑為斗牛主吳越 哀帝興寧元年占須女揚州 安

帝隆安四年占填星吳越 懷帝永嘉六年占牛女揚

州 孝武帝太元十九年占斗吳越分

吳地記禹貢揚州之域當磨蝎斗牛之位列婺女星之分

野

宋書天文志魏明帝太和六年占南斗吳齊帝正始元年

占尾為燕又為吳牛亦吳越之分太元二年吳人浩詳

言淮南楚分吳楚同占 高貴鄉公正元元年占斗牛

吳越分 晉惠帝永康元年占斗吳分永嘉六年占牛

揚州分 元帝太興元年占南斗吳越 成帝咸康二

年占斗揚州分 穆帝永和八年占箕斗燕分 哀帝

興寧元年占須女揚州 孝武帝太元七年占斗吳十

九年占斗吳越 安帝隆安四年占牽牛吳郡斗吳越

義熙元年占南斗則吳越會稽丹陽豫章廬江 懷帝

永嘉六年占牛女揚土尾為燕又為吳 宋孝武帝大

明七年占南斗吳郡八年占斗豫章丹陽 宋前廢帝

永光元年占牽牛趙南斗揚州

齊書祥瑞志南斗第一星吳分也

隋書天文志南斗為文太室填星廟也 梁武帝天監元



年占南斗吳越 陳武帝永定三年占庚午吳楚之分

陳宣帝太建十二年占牽牛吳越之野 陳武帝建

德七年占斗吳越之星陳之分野 隋文帝開皇八年

占牽牛吳越之星陳之分野 煬帝大業元年占斗吳

越分野

唐書天文志舊經南斗百十六度牽牛百六度須女百度

今測南斗百一十九度牽牛百四度須女百一度

唐書天文志星紀鶉尾以負南海其神主於衡山熒惑位

焉

唐書天文志斗吳分 斗牛越 牽牛吳越分 南斗燕

分 南斗吳越分 斗吳分 牽牛吳越 牽牛揚州

分 南斗吳越分 南斗燕分 南斗吳越

唐書天文志貞觀中李淳風謨法象志因漢書十二次度

數始以唐之州縣配焉

通占大象歷星經南斗六星主天子壽命亦云宰相爵祿

之位盛明王道和平將相同心帝命壽天下安

通占大象歷星經越一星在婺女之南

乙巳占聖人觀象分配國野或取水土所生或視風氣所

定因係之以成形象之應故越人伺察以斗牛辨祥

杜佑通典揚州在於天文斗則吳之分野



天文精義賦斗牛星紀吳越隸揚

五代史司天考赤道宿次斗二十六度牛八度女十二度

宋史天文志上台上星主兗豫下星主荆揚

宋史天文志北方南斗六星天之賞祿府主天子壽算為

宰相爵祿之位南二星魁天梁也中央三星天相也北

二星天府廷也南星者魁星也北星杓也石申父曰魁

第一主獎二會稽

宋洪遵東陽志敘東陽為郡自吳之寶鼎迄今八百八十

有九年矣於天文上直婺女寶鼎吳烏程侯年號

文獻通考宋兩朝天文志天市垣二十二星東西列各十

一星其東垣南第六星曰吳越

文獻通考宋中興天文志石氏云北方黑帝其精元武為

七宿斗有龜蛇盤結之象牛蛇象女龜象虛危室壁皆

龜蛇蟠蚪之象司東司水司北嶽司北方司介蟲三百

有六十

隋丹元子步天歌斗六星其狀似北斗魁上建星三相對

天弁建上三三九斗下圓安十四星雖然名龜貫索形

天雞建背雙黑星天籥柄前八黃精狗國四方雞下生

天淵十星鼈東邊更有兩狗斗魁前農家丈人狗下眠

天淵十黃狗色元



步天歌牛六星近在河岸頭頭上雖然有兩角腹下從來  
欠一脚牛下九黑是天田田下三三九坎連牛上直建  
三河鼓鼓上三星號織女左旗右旗各九星河鼓兩畔  
左邊明更有四黃名天桴河鼓直下如連珠羅堰三鳥  
牛東居漸臺四星似口形輦道東足連五丁輦道漸臺  
在何許欲得見時近織女

步天歌女四星如箕主嫁娶十二諸國在下陳先從越國  
向東論東西兩周次二秦雍州南下雙雁門代國向西  
一晉伸韓魏各一皆北輪楚之一國魏西屯楚城南畔  
獨燕軍燕西一郡是齊鄰齊國兩邑平原君欲知鄭在

越下存十六黃星細區分五箇離珠女上星敗瓜珠

瓠瓜生兩箇各五瓠瓜明天津九箇彈弓形兩星入牛

河中橫四箇奚仲天津上七箇伸側扶箱星

箱一作筐

宋中興天文志石氏云女一名婺女左傳昭公十年有星

出於婺女杜注星經婺女爲既嫁之女織女爲處女

乾道臨安志國史地理志兩湖路當天文南斗須女之分

天文秘訣南斗牽牛星紀之次初斗十一度外末女七度

內於分爲吳越於辰在丑於野在揚兩湖之蘇秀湖杭

常潤明越睦處溫台衢婺皆吳越之分也天市垣吳越

去極七十八度入九度皆入牛宿十二諸國越距四星



去極二十三度入斗四度

王十朋會稽風俗賦越於九域分曰揚州仰瞻天文度當  
斗牛在辰爲丑自夏而俟

孫因越間射祥光於斗分兮占星紀於天倪牽牛炳其初  
躔兮屆須女之七度少陽當其正位兮爲萬物之潔齊  
葛澧錢塘賦顧茲都督之大府上當星紀之躔次驗夏書  
之所別爲揚州之內地

明史天文志赤道宿度斗二十四度二十四分牛六度五  
十分女十一度七分黃道宿度斗二十三度五十一  
分牛七度四十一分女十一度三十九分

清類天文分野書晉天文志十二次分野始有亢者以東  
方蒼龍爲首也唐十二次始女虛危者以十二支子爲  
首也其以斗牛爲星分之首者日月五星起於斗宿古  
之言天者由斗牛以紀星則星紀爲十二次之首而斗  
牛又二十八宿之首也

清類天文分野書浙江布政司所屬之杭州湖州嘉興嚴  
州紹興金華衢州處州寧波九府皆牛女分又廣東  
之惠州女分

觀象玩占歲星經南斗吳越有福其歲大豐守之六十日  
臣有增爵祿者木星經南斗吳國大稔歲星守牛天下



和平石氏曰火星入牽牛而出其南守二十日有大赦  
黃白雲氣入牛牛蕃息木星經女石氏曰越人以金銀  
貢織女三星在天市垣東一日東橋一日天女天帝之  
女也主經緯布帛絲枲之事主收藏珍寶以制衣裳成  
文繡天之水府也星足常向扶筐牽牛亦常向織女之  
足三星俱明天下和平

浙江通志

按星紀分野吳越同占其各郡所入度數則皆  
言人人殊况屬邑乎故於總部外第就各郡分  
列諸家之說而不及各縣但縣志內或有  
有與諸家之說相發明者附之以備考

元和郡國志隋開皇九年平陳置婺州蓋取其地於天文  
為婺女之分野宋洪遵敘  
已見上

清類天文分野書金華府禹貢揚州之域牛女之分越地

內緯秘言牛三度金華府金華蘭谿東陽入六分之四女

四度金華府義烏永康武義浦江湯溪入七分之二

萬歷金華府志金華自昔以婺女名州宋濂寶婺觀記說

者謂自南斗十二度至婺女七度為星紀吳越之分皆

屬焉何獨婺之人得以專祠婺女乎是不然吳越之分

固廣而斗牛女之所該亦廣苟以躔度細推之郡之墟

正上直於婺女耳星之降祥焉可誣也

孔穎達春秋正義

天有十二次地有九州以此九州當彼  
十二次周禮雖云皆有分星不知其分  
孰分之也星紀在於東北吳越實在東南魯衛東方諸  
侯遙屬戌亥之次又三家分晉方始有趙而韓魏無分

甫工系志

卷之一 星野



趙獨有之漢書地理志分郡國以配諸次其地分或多或少鶻首極多鶻火甚狹徒以相傳為說其源不可得而問之或有災祥而為占者多得其效蓋古之聖哲有以度知非後人所能測也

宋錢唐王遠齋海集

北斗位北而得七為火之成數南斗位南而得六為水之成數此陰陽精

神交感之義

蘇伯衡分野論

天有三垣紫微太微天市是也紫微太微皆將相輔佐之位而天市下垣則列國星

宿之所在其星東西二十有二宋南海燕東海徐吳越齊中山趙九河魏韓楚梁巴蜀秦鄭河中河閭晉周日

分野者指列星所屬之分而言鄭氏謂星所主土是也其國在此而星則在彼彼此若不相配而其為象未嘗

不相屬非地之在北者其分野在天亦居南也北地之在南者其分野在天亦居南也

周世禕五經類編

天官家書汗牛充棟其大要不過三辰中道者黃道也出入於天之赤道者也九行者青道二

赤道二白道二黑道二合黃道為九也以星言之有

宮星有四宮星有五星中宮星者合三垣大角而言三垣之名中垣曰紫微上垣曰太微下垣曰天市紫微垣中有五星曰北極在牽牛之次又有北斗七星斗為帝車運於中央臨制四鄉分陰分陽又有文昌宮即斗魁所戴之六星也又有三台星即斗魁下兩兩相比之六星也太微垣十星在翼軫北五帝之坐十二諸侯之府也天市垣二十二星在房星東北亦有帝坐及后妃諸星鄭曉云三垣皆有帝坐皆微為天子寢宮太微布政之宮天市巡狩之宮也大角星在角亢之間其兩旁各有三星鼎足鉤之曰攝提格直斗柄所指以建時節也四宮星者東宮蒼龍七宿其屬三十三星合七十七度二宮白虎七宿其屬五十五星合八十五度南宮朱鳥七宿其屬六十星合一百九度註云周天度數四宮該之中宮雖別自名宮其實即在宮度內紫微屬北宮太微屬南宮天市及大角屬東宮中宮四宮此五宮皆經星也五星者木曰歲星屬東方十二歲一周天火曰熒惑屬南方二歲一周天金曰太白屬西方二歲一周天方並一歲一周天土曰填星屬中央二十九歲一周天此五者皆緯星也此三辰之大概也○又云九州十二甫工係志

卷之一 星野

三



域或繫之北斗或繫之五星或繫之二十八宿雍主璣  
 其主繫此繫之北斗者也歲星主齊吳熒惑主楚越此  
 繫之五星者也星紀吳越元枵齊此繫之二十八宿者  
 也二十八宿分野見於周官左傳詳於甘石之經但有  
 不可曉者吳越南而星紀在丑齊東而元枵在子魯東  
 而星紀在戌秦西而鶉首在未趙北而大梁在酉東西  
 南其相反而相屬何也先儒謂受封之日歲星所在之  
 辰國即屬焉蓋本外傳泠州鳩之說而鄭夾滌非之以  
 爲此乃主祀之意非因封國始有分星也唐一行謂分  
 星有山河脈絡之兩戒雲漢升沈之四維審而識之可  
 以見其相配鄭氏取其說袁坤

杭州府志

顧野文曰星野之說或有獻疑者曰吳越地近  
 答曰測地者午南子北測日晷者午北子南今吳越在  
 南而測地者午南子北測日晷者午北子南今吳越在  
 焉一行曰精氣所屬或以封國或以歲祀世多采用其  
 言其實非也或又曰歷代以丑爲星紀斗牽牛女度數  
 多不同且星與世推移此又可疑者也答曰自春秋時  
 論吳斗分也越牽牛分也歷二千餘年天漸差而西星

辰漸差而東明初祝郡當斗牛度直漸臺蘇州當箕四  
 度直扶筐若守春秋之法則與天違矣及後一統志改  
 三度迄今又百餘年移入斗一度夫度一與度三雖  
 有異而所去不遠同在斗度則一是可淺信者也

浙江通志

按星官之書自黃帝始星紀主吳越黃帝分星  
 起斗十一度至女七度費直起斗十度至女六  
 度蔡邕起斗六度至女二度皇甫謐起斗一度至女七  
 度晉志起斗十二度至女七度一行起斗九度至女四  
 度清類分野起斗三度至女一度從來皆以斗牛女遞  
 推之今考漢志孝景二年水火合於斗應在吳楚兩漢  
 於越皆以斗爲占第前漢斗分二十六度後漢靈帝時  
 東部都尉劉洪爲少減至魏太史丞韓翊復少增迨晉  
 時酌定二十六度其後又因沿爲二十五度然其相去  
 亦無幾若以測法論之斗一度直二百五十里則一千  
 里歷四度浙江止一千七百餘里不  
 及漢會稽之半其皆屬於斗也審矣

按星官始自黃帝歷代因之考諸書所列分野詳哉  
 其言之矣然南斗牽牛須女之分其分台異同大有  
 逕庭有以牛女兼包華夏者有以斗專屬吳者有以  
 斗牛兼屬吳者有以牛女兼屬吳者有以斗牛女皆








浙江通志


古測

金華牛女分野

圖宿女



圖宿牛



金華牛女分野

今測

浙江通志




浙江通志

今測

金華斗四度

斗宿圖



歲占附

東方朔歲占云正月一日為雞二日犬三日豬四日羊五

日牛六日馬至七日為人各有所屬遇某日晴則所屬

吉八日穀亦以是占之上元晴雨視隔年中秋日諺云

雲掩中秋月雨打上元燈二十日晴主連旬風雨俗傳是日為寒

主四十日陰雨

二月驚蟄宐雨宐寒驚蟄前聞雷亦主連旬風雨諺云

不凍蟲寒到五月中又云未過驚蟄先鳴雷四十九日雲不開分在社前米貴社在

分前米賤

三月清明多雨損麥諺云麥喫四季水十六日多疾只怕清明連夜雨



風暴雨 俗傳馬祖 渡江省母

四月乍晴乍雨為梅雨天寒主旱 諺云黃梅 寒井底乾 小滿無

雨則芒種乾芒種乾應夏至多雨 諺云小滿不滿芒種 不管又云芒種火燒

天夏至 雨絲絲

五月壬子破值奇日必大水 諺云五月壬子 破大水漫山過 十三日

雨主旱 諺云五月十三風雨 交淡山樹木都要焦 夏至晴主旱 諺云夏至 見青天有

雨在 二十六日分龍節宜雨喜北風 分龍後雨不偏 及諺云夏雨隔

田晴又云熟不熟但看五月二十六又云東風吹過西 倉前餓死雞西風吹過東十倉九倉空南風吹過北有

錢糴不得北風吹 過南無錢賒不難

六月小暑日若東南風及成片白雲起則有船趕風主

退水後旱 東坡詩三時已斷黃梅 雨萬里初來船趕風 三伏宜熱不宜多

雨 諺云六月不 入伏日雨主一旬雨謂漏伏 諺云六 熱五穀不結

陰偏地是黃金言雨多穀 零落生芽如黃金遍地也

七月立秋宜雨 諺云立秋無雨甚堪 憂萬物從來只半收 秋後虹見為天

收若朝虹見西方尤不宜為西十萬言其減收至十萬

也

八月多輕陰謂朝拜天 土人多以是 月朝仙真 秋分日值社河

無魚 諺云分社同 宮餓死漁翁 中秋月暗多魚 諺云中秋 暗魚繞壩 馬鞭

草白主有水呼蓼花水

九月有九子風自初一至初九每一日應來年一月 初如



一有風則來年正月有風餘做此

十月初一日不宜風雨權受者以風占量受者以雨占

如初一日竟日大風則論輕重之物貴先大後小則始貴終賤先小後大則始賤終貴無風則皆賤量受者占

雨亦然小陽春宜雨諺云十月無雨落高田休用作每日未申時南

風起次日必大霜謂掉霜風

十一月冬至日數九九九八十一日九盡極早在二月

中極遲在三月初九中宜凍

十二月鵲始巢巢低來歲多風 臘雪為瑞雪主來歲

豐稔殺蟲子諺云一寸雪入泥一尺一尺雪入泥一丈又云江南三尺雪人道十年豐東坡詩遺

蝗入地應千尺已上月占

入春雪主水應一百二十日 又有拗春檀春盡不發

葉窪田不敢栽插 春盡有黃丹瘴則損麥夏盡有乾

風起則損稼 日出而雨生蟲 秋前北風主秋後雨

秋後北風主旱諺云秋前北風秋後雨秋後北風乾到底 春秋二仲多陰

翳謂之弄寒弄暖 秋冬閒椽子早落米價必貴已上四時

占雜

按歲時占驗為田家作苦者先事補救之助雖四方氣候不齊土宜各異而五行四時十二月因而乘之其裨益於民事不少故記之

輿地二

疆域 補遞附



帝王撫運奄壹寰宇猶一家一人何疆芥之與有而  
 弼服建師及長已見虞書在周有職方氏有掌疆其  
 東西南北道里之尺度則詳於王制雖州國郡道軍  
 路省司府縣分并代更而當時所轄各有定制書曰  
 濟河兗州海岱青州傳稱東海西河南穆陵北無棣  
 此非正疆界之大彰明較著者乎浦邑在郡東北地  
 雖褊小而正其華離準其廣運所以奠民居而固封  
 守也志疆域

浦江在金華府治東北一百一十里東西廣一百二里南

北袤一百四十里

明一統志 國朝康熙雍正兩通志 皆云在府治東北一百二十里者誤

東至紹興府諸暨縣界五十里以界牌為界自界至縣

治六十里

東南至義烏縣界三十里以步虛嶺為界自界至縣治

三十里

南至金華縣界五十五里以太陽嶺為界自界至縣治

五十五里

西南至蘭谿縣界五十里以橫木為界自界至縣治六

十里

西至嚴州府建德縣界四十里以井陀嶺為界自界至

縣治六十里



西北至嚴州府建德縣界四十里以截柘嶺為界自界至縣治六十里

北至杭州府富陽縣界九十里以金沙嶺為界自界至縣治九十里

東北至紹興府諸暨縣界九十里以楊塘嶺為界自界至縣治五十里

按舊浙江通志及府縣志所載浦江四至八到彼此參差多不詳確今皆核實載之故與舊志有不同處

自縣至本府一百十里至浙江布政司陸路五百四十里水路五百五十里至

京師陸路三千五百六十里水路三千六百六十八里

舖遞附

浦陽驛 浙江通志在縣東北二十步宋紹定二年知縣

李知退建舊稅課局即其故址也今裁

縣前舖 在縣前西偏 舖司一名舖兵二名遞五路嶺舖計程十

里 五路嶺舖 原有郵亭今廢 舖司一名舖兵二名遞洪溪舖計程十

里 洪溪舖 有郵亭 舖司一名舖兵二名遞白棗舖計程十里

里 白棗舖 有郵亭 舖司一名舖兵二名遞沙溪舖計程十里



沙溪舖原有郵亭今廢舖司一名舖兵二名遞太陽嶺舖計程十

里

太陽嶺舖原有郵亭今廢舖司一名舖兵二名遞金華縣桶井總

舖

輿地三

形勝

畫地成形規形擅勝而治理因之故司險之設在周知山林川澤之阻所以順地利奠民生也

聖世德孚九有衆志成城金湯之鞏初不在險而因地利以固封疆則自古而然矣志形勝

酈道元水經注浦江右濱長江左旁連山平林脩通澄湖

遠鏡

宋濂東明山精舍記倚山為縣自仙華峰斜迤而東若萬

馬長趨不復回顧二三十里之間滿望皆山

宋濂題張如心譜序後浦陽以仙華為屏大江為帶中橫

互數十里而山勢盤紆周遭若城洵天地閒秀傑之區也產於是者族每繁衍而悠長高智遠略之士多由他

郡徙居之若大羽之喬林巨鱗之滄海

鄭棠太平橋記浦內東合澄溪入諸暨陸出烏傷道經澄

溪之上為東州都會之要津



張應槐仙華八景圖序浦在萬萃之中爲巨浸之首縣治前障後屏錦團繡錯壯麗嚴整甲於他邑


舊浙江通志浦江縣形勢斗拔凌霄獨聳三十六岡重巒複嶂有仙華芙蓉之奇高峰貴人之勝

金華府志山巒自嚴徽起伏而來形勢斗拔仙華諸峰如瑞鳳如寶蓮如天馬行空凌霄獨聳左右寶掌金院如

龍騰虎踞尖圓奇特拱向而來面南溪諸水自月泉截柘井阮合流會於縣南遶湖山楓江注諸暨錢唐達於

海爲一方勝槩

舊志 奉 彭大宗師刪



文化甲子

天...



